



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniiis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus I. De potestate statuendi impedimenta matrimonij.

[urn:nbn:de:hbz:466:1-73058](#)

QUÆSTIO ULTIMA.

De impedimentis, & dispensationibus matrimonialibus.

ET si pleraque de impedimentis matrimonij, in suis quæque titulis, jam premisæ sint, in quantum de illis hoc libro agitur; quia tamen complura sunt, quæ ad meliorem eorum notitiam plurimum juvent, imò necessaria sunt, præsertim, ubi, ut solet, occurrit casus pendent quandoque dispensationis ex causis valde relevantibus: ideo divisâ hac questione, primâ parte de impedimentis; alterâ, de dispensationibus matrimonialibus aliquid adhuc dicendum venit.

PARS I.

De Impedimentis Matrimonialibus.

173. Impedimentum in genere est, quod alicui præstat obicem, ne illo stante id, quod facere intendit, vel validè fiat, aut faltem facere licet. Hinc impedimenta matrimonij sunt in duplice classe; alia, quibusstantibus matrimonium quidem validè, sed non licite sit; & hæc dicuntur *impedientia tantum*; alia, quibusstantibus nec validè, nec licite; & hæc sunt *dirimentia*.

ARTICULUS I.

De potestate statuendi impedimenta matrimonij.

174. Cùm ex Trid. *sess. 24. can. 1.* constet, matrimonium fidelium esse unum ex 7. Sacramentis novæ legis, à Christo Domino institutis; & nec ab Ecclesia novum Sacramentum institui posse, aut aliquid mutari quoad substantiam, atque adeò circa materiam, & formam eorum, ut patet ex cod. Trid. *sess. 21. de Commun. c. 1.* ibi: *ad illorum substantiam*: meritò dubitari potest de potestate statuendi impedimenta matrimonij, ea faltem, quæ tangunt valorem, consequenter substantiam, hujus Sacramenti.

§. I.

An Ecclesia possit statuere impedimenta matrimonij?

175. Posse impedimenta statuere, solum *impedientia*, extra dubium est; tum quia hec non tangunt substantiam Sacramentorum; tum quia quisvis etiam homo, matrimonij contractum sibi licite interdicere

Tom. IV.

Nnn 2

mc,

ne, salvâ illorum substantia, ea statueret, vel mutaret, que magis judicaret expedire, ubi nota, ly salvâ illorum substantia: ergo hæc non est relicta arbitrio Ecclesiæ.

1877. Supponendum. 2. triplicem esse determinationem materia & formæ. 1. *in individuo*, si nimurum pro Sacramento baptismi v. g. determinasset certainam aquam in individuo, e. g. *aquam Jordanis*. 2. *in specie*, ut si pro eodem determinasset hanc specie aquam v. g. naturalem, seu clementarem. 3. *solum in genere*, ut si pro materia ordinis voluisset adhiberi aliquod signum exterrum collationis potestatis, qualecumque deum deinde ulterius eligeretur, sive impositio manuum, sive porrectio libri, &c.

1878. Supponendum. 3. tunc determinari materiam Sacramentorum, quando designantur certa rerum prædicata, quæ ad hoc, ut sint materia talis Sacramenti, in ijs rebus esse debeant. Sic enim, si à Christo materia baptismi in specie solum determinata est, designando pro materia hujus Sacramenti aquam *naturalem*, seu *clementarem*, quidquid habet, & quādū habet hoc prædicatum *aqua elementaris*, erit idonea materia baptismi; & si tale prædicatum vel non habet, vel si habet, sed habere desinit, etiam desinit esse idonea materia hujus Sacramenti.

1879. Supponendum. 4. duplíciter intelligi posse, quod quis mutet materiam Sacramenti. 1. *formaliter*, cùm pro prædicato à Christo prius designato designat aliud convenienter rebus diversis à prioribus. Ut si quis vellet pro materia baptismi, *vinum* adhiberi. 2. *materialiter*, quod sit, si quis faciat solum, ut res amittat prædicatum à Christo designatum; sic quando vinum fit acetum, amittit præcaditum *vini*, prius à Christo designatum pro idonea materia Sacramenti Eucharistiae.

1880. Supponendum. 5. prædicatum, sub quo Christus de facto designavit materias Sacramentorum, aliquando esse *physicum* (sic in baptismo est prædicatum *aqua elementaris fluidæ*; in Eucharistia *panis triticæ* & *vinum de vite*) aliquando autem solum *moralē*. Tale in confirmatione est *Chrismæ consecratum ab Episcopo*; in extremâ unctione *oleum ab illo benedictum*; in penitentia, peccata hominis subditi,

in quem Sacerdoti cum absolventi collata sit jurisdictio.

Supponendum. 6. sicut diximus, canitem rem esse à Christo *formaliter* determinatam pro materia certi Sacramenti, quæ habet illud prædicatum, vel physicum, vel morale, sub quo illam Christus designavit; ita dicendum esse, ea verba à Christo determinata esse pro forma, quæ habent significationem, & sensum, sub quo Christus illa designavit. Hinc, ut quis habeat potestatem *formaliter* mandandi, vel materias, vel formas, Sacramentorum, deberet posse facere, ut aliquid habens prædicatum à Christo designatum, non amplius esset idonea materia vel forma talis Sacramenti; vel econtra.

Supponendum. 7. quod Christus non ita determinaverit Sacramentorum materiam, ut in omnibus determinaverit vel speciem infimam, vel genus proximum, sed in quibusdam solum speciem infimam; in alijs autem solum genus remotum, relictâ Ecclesiæ potestate determinandi speciem. Nam, 1. materiam pro Sacramento ordinis Christus solum determinavit in genere, volens adhiberi rem aliquam sensibilem, quæ foret signum potestatis, quæ per talen ordinem confertur; alias enim nunc non conferunt validè Sacerdotium, & Diaconatus; quia nunc non adhibetur eadem materia in specie, quæ olim. Prīus enim adhibebatur sola ma nuum impositio, in habetur in Concilio Carthag. 4. can. 3. & 4. nunc vero adhibetur in ordinatione Sacerdotis porrectio calicis cum vino, & patenæ cum hostia; in ordinatione autem Diaconi porrectio libri Evangeliorum.

Similiter alia materia adhibetur in Ecclesia Græca, alia in Latina pro Sacramento ordinis, consentiente, & approbante id ipsum summō Pontifice. Parte hoc ex bulla Clem. 8. edita anno 1595. 31. aug. & incipiente: *Sanctissimus*, ubi sic habet ex sententia Congregationis pro reformatione Græcorum: *decrevit, declarat, mandat, constituit, Romanæ habendum esse Episcopum Græcum, Catholicum, qui Græcos Latini Italæ, & Insulatum adiacentum subjectos, ab Episcopo Græco ordinari volentes*.

volentes, cum illorum dimissoriis ad id tantum concedendis, ritu Graeco ordinet. Denique, licet pro materia Eucharistiae determinatus sit panis, & vinum; tamen sub his iuxta multorum sententiam dantur diverse species: ergo non determinavit Christus pro materia omnium Sacramentorum semper speciem, sed diu taxat genus. Deinde in alijs expressè determinavit materiam secundum speciem, ut patet in baptismo, cuius materiam esse voluit aquam elementarem; huc enim sola dicunt aqua simpliciter, & sine addito.

Supponendum. 8. materiam Sacramentorum sic à Christo determinatam esse, ut nisi secundum ejus determinacionem adhibeatur, nullum fiat Sacramentum.

Pater. 1. ex decreto Eugenij, ubi, postquam resulit pro materia singulorum sacramentorum certas, & determinatas res, illico addi: *quorum se aliquid defit, non perficit sacramentum*, sed res illæ ibi relate sunt determinate determinacione Christi, cum ex dictis Ecclesia determinationem Christi variare non possit, & de factò horum sacramentorum institutionem formalem non habuerit, ut patet ex Trid. relato suprà: ergo. 2. quia, cum res, & verba, suam vim sacramentaliter significavim non habent, nisi a Christo; nisi ponatur materia, & forma, secundum quod ea Christus voluit esse signa infallibilis, & practica gratiae, non ponetur Sacramentum; quia non ponitur pars intrinseca, & signum infallibile, ac practicum gratiae; sed nisi ponatur materia prout Christo determinata, non ponitur signum infallibile, ac practicum gratiae: ergone sacramentum; his premisis.

Sequitur 1. materiam, & formam sacramentorum non posse mutari ab Ecclesia mutatione formalis pro arbitrio. Est communis, & patet. 1. ex Trid. relato suprà. Nam omnis mutatio, que in sacramentis fieri potest ab Ecclesia, debet esse, *salva substantia sacramentorum*; sed si Ecclesia pro arbitrio posset mutare, *mutatione formalis*, materiam & formam sacramentorum, non faceret eam mutationem salva substantia sacramenti: ergo. 2. quia si posset Ecclesia sic mutare, debet qualibet res, vel quælibet verba, quæ prioribus substitueret, infallibiliter, & practice significare gratiam: hoc autem dici non potest; quia cum res, & verba ex se non habeant connexionem cum gratia, nequeunt eam infallibiliter, & practice significare, nisi illa, de quibus Deus revelavit, quòd illis positis, & exhibitis, velit ex opere operato (hoc est ritè facto) conferre gratiam. Deus autem non revelavit se id facturum exhibitis rebus, & verbis, quæ homines, vel Ecclesia exhibitu substituerint; sed solum, si haec & illa: ergo. Min. constat, quia revelationes, quas habemus ex Scriptura, & Patribus, nihil tale enuntiant: ergo.

Sequitur. 2. esse in potestate Ecclesiae, 1886.

variare materiam Sacramentorum *variatio solum materialis*. Nam hoc possunt etiam causa naturales; quando enim *vinum* corrumptur, & transit in acetum, vel alio liquore sic permiscetur, ut definit esse *vinum usuale*, materia Eucharistiae materialiter variatur secundum dicta n.

1879. sed illud facere possunt etiam cause naturales, ergo etiam libera, conseruent etiam Ecclesia.

Ex hoc &c. pro sacramento matrimonij institutum esse in materiam ejus sacramenti, consensum mutuum contrahentium sub hoc predicato, *quod sit contractus legitimus*. Hinc, ut rectè notat Suarez *hic D. 2. 8. 6.* Christus pro Sacramento matrimonij non instituit *contractum determinatum* in specie, sed in genere, nempe *contractum legitimum*. Unde, quamdiu Ecclesia non facit, ut *contractus legitimus*, non sit materia pro sacramento matrimonij, tamdiu non facit in materia hujus sacramenti *mutationem formalem*, esto intervenire possit *mutationis materialis*, si ponat ex sua potestate, quam habet, condendi leges pro contractibus certis, alias conditiones quarum defectu contractus desinat esse *legimus*; sicut, vino affundens copiosam aquam, materialiter mutat materiam Eucharistiae, si per hoc *vinum* definit esse *vinum usuale*. Quare ad object. in n.

1876. q. in forma: dist. ma. quoad secundam partem: olim materia valida ma-

trimonijs erat consensus contrahentium, sub hoc predicato, *quo erat contractus legitimus* transferens mutuò jura corporum. C. sub alio predicato. N. ma. dist. min. sed consensus contrahentium nunc constitutione Ecclesiae non est materia valida

Nnn 3

fine

sine præsenti Parochi, & testium, si sine his maneat contractus legitimus. N. si non maneat C. min. ergo constitutione Ecclesiæ materia hujus sacramenti mutata est materialiter C. formaliter N. conseq. ex n. 1879. & seq. Aliud enim est, dicere, Ecclesia non potest facere, ut id, quod retinet prædicatum, sub quo designatum est in materiam idoneam sacramenti, non sit idonea materia sacramenti; aliud, quod non possit facere, ut illa res non retineat amplius tale prædicatum. Primum verum est. secundum falso est ex dictis. Primum faceret mutationem formalem. Secundum solum mutationem materialiem, Ecclesia non impossibilem.

1887. Ex hoc colliges per hoc, quod Ecclesia superinduxerit nova quedam impedimenta matrimonium dirimenti, nihil ab ea mutatione formalis, sed tantum materiali mutatione esse circa materiam, & formam Sacramentorum à Christo determinatam; mutationem autem materialem competere Ecclesiæ, non formalem, iam ostensum est. Etiam enim supposita Ecclesiæ constitutione, matrimonium contrahere volentes inhabilitet ad contrahendum, seu contraactum validè celebrandum, sine præsenti Parochi, & testium, per hoc tamen non facit, quod contraactus, retinens prædicatum *contraactus legitimus*, non sit apta materia hujus sacramenti; sed tantum quod non habeat hoc prædicatum, non servat formam in Tridentino præscriptâ, quæ mutatio est solum materialis.

§. II.

*An Prælati inferiores possint statuere
impedimenta matrimonium
dirimentia?*

1888. Affirmativa saltem quoad Episcopos, & locorum ordinarios suaderi potest ex his, & similibus motivis. 1. quia quilibet Episcopus in sua Diœcesi potest omnia, quæ Papa in universo orbe Christiano, nisi aliqua sibi à summo Pontifice sint specialiter reservata, nullib[us] autem reperitur, hanc potestatem à summo Pontifice sibi specialiter esse reservatam; ergo Ma. tenet instar regulæ, Soto de Inst. l. 10. q. 1. a. 3. Sanchez l. 1. hic D. 61. a. n. 3. & alij. deinde constat ex facto, quo à quibusdam

Episcopis, & Concilij Provincialibus, vel Nationalibus, ejusmodi impedimenta introducta sunt, ut videri potest apud Pont. l. 6. de matr. c. 1. n. 12. & alios.

Nihilominus dicendum, potestatem statuendi impedimenta matrimonium fiducium dirimenti, esse penes solum summum Pontificem. Nam Episcopi suam potestatem (intellige jurisdictionis) immediate accipiunt à summo Pontifice, à quo in partem solicitudinis, non autem potestatis plenitudinem vocantur. c. qui se fit, 2. q. 6. ubi Vigilius Papa ait, liquere, clarum majorum negotia causarum sanctarum sedi esse reservata; eò quod illa religio Ecclesie ita vices suas crediderit largitas, ut in partem sint vocatae solicitudinis, non in plenitudinem potestatis. V. Card. de Lugo. Respons. moral. l. 1. d. 45. à n. 1. Et in c. Ad honorem. 4. de author. & usu palli. idem repetitur; ubi dicunt, quod solum Romanus Pontifex in Missarum solemnibus pallio semper utatur, & ubiqui quoniam ipse (nimurum solum) assumptus est in plenitudinem Ecclesiastice potestatis, quæ per pallium significatur; ergo Papæ inferiores Prælati tantum jurisdictionis & non plus habent, quantum à summo Pontifice accipiunt; atque ab hoc eius potestatem statuendi impedimenta matrimonium dirimenti generaliter communicatam esse, nullo jure scripto, vel non scripto, probatur; & plenitudinem jurisdictionis Pontificia non habere conflat; ergo; sic communis cum Perez de matt. 21. scđl. §. n. 7.

Dices: ergo saltem in suis Ecclesiis illi habebunt plenitudinem potestatis significare pallio, ut ait textus, quibus pro Ecclesia sua pallium conceditur. R. N. illatum si propriæ loquamur de plenitudine potestatis, nimur non restrictæ, etiam per ordinem ad suos. Nec enim alij infra Papam conceditur usus pallij etiam in suis Ecclesiis, pro semper, ut expressè ait textus; sed pro certis tantum diebus; & quidem causis gravioribus, inter quas meritis numeratur, iurisdictione statuendi impedimenta matrimonium dirimenti, facultas sedi reservatis, ut habetur cit. c. qui se fit. priori num. accedit, quod Christus oves suas pascendas tradiderit non alien, nulli Petro, & Successoribus ejus.

Ad rationes in concursum R. ad 1. Jam ex dictis

ex dictis constare, hanc potestatem sibi à Pontifice reservatam, 1. reservatione generali causarum graviorum. 2. in potestate ordinaria, quæ Episcopis generaliter concessa est, titulo jurisdictionis Episcopalis, non ordinariæ, non claudi potestatem impedimenta dirimenti statuendi, consequenter *speciali* reservatione non egere, quare in eo argumento neganda venit ea regula Sotii, & aliorum, quatenus exigit *specialem* reservationem.

Ad 2. ibid. 32. me non negare Episcopis jurisdictionem statuendi quædam impedimenta dirimenti, quæ suam vim obtineant *comprobatione Summi Pontificis*; non autem antea. Nec exempla, quæ refert Pontius ibidem citatus, aliud probant. Nam, esto illi Episcopi in Conciliis suis statuerint quædam ejusmodi impedimenta, plura tamen à summis Pontificibus rejecta sunt; alia confirmata; sine quo nec illa vim ullam habuissent. Et quamvis Pontius cit. n. 12. dicat: hanc potestatem de jure pertinere ad Episcopos, & Concilia nationalia, ac Provincialia; fatetur tamen, antiqua jam censuetudine summo Pontifici reservatam.

Nec obstat, quod aliqui dicant, contrarium matrimonij esse *juris naturalis*, quo omnes sunt habiles nullo impedimento *naturali* laborantes; consequenter hoc jus non rectè à Republica Ecclesiastica reflungi. Nam esto sit *juris naturalis permittentis*; non est tamen *juris naturæ præcipiens*. Unde rectè notat celebris Jurisconsultus & Doctor Schambogen in centrum questionibus Juris, quibus titulus: *Ars longior brevis q. 7.* quamvis lex humana nihil possit præcipere, quod jus naturæ prohibet vel prohibere, quod præcipit: potest tamen libertatem naturalē modifice, & vetare, quod naturaliter, seclusi causis, & circumstantiis, simpliciter liceret.

§. III.

An censuetudine induci possint nova impedimenta dirimenti vel abrogari constituta?

Negativam quoad primam partem sequuntur Glosse in c. 1. de cognat. spirit. Johannes Andreas, & Ancharan. in c. 5. de consang. & alij, quorum ratio est. 1. quia si censuetudine contraria etiam possint abrogari impedimenta dirimenti Ecclesia constitutione inducta; at hoc fieri

non potest. 1. quia censuetudo contrahendi matrimonium intra gradus jure prohibitos, expressè dicitur *corruptela in c.*

Quod super 5. de consang. 2. Quia textus in c. super co. 3. de cognat. spirit. quo videtur censuetudini concedi vis faciendi, quod licet contrahere in gradibus prohibitis cognationis spiritualis, consequenter abrogare constitutionē Ecclesiae, quā talia conjugia dirimuntur, solum loquitur de casu, quo scandalum nasceretur, si conjunctio eorum non permitteretur ex censuetudine, quos jure inhabiles reddit Ecclesia: ergo extra hunc censuetudo nihil potest.

Pro 2. parte est, quia defactō, præscr. 1893:

tim in Provincijs septentrionalibus, ubi haeretici degunt, jam invaluit censuetudo matrimonii contrahendi cum impedimento jure Ecclesiastico solum dirimente; ergo censuetudo habet vim abrogandi leges etiam Ecclesiasticas; patet conseq. quia cum leges humanæ firmitatem non obtineant, nisi approbentur, & roborentur moribus utentium, & quoad leges Ecclesiasticas ab haereticis planè oppositum jam à centum, & amplius annis fiat in plurimis ab Ecclesia statutis, vix bene dici potest, respectu eorum eas Ecclesiae leges adhuc vim oblationis obtinere.

Et ideo ejusmodi haereticorū conjugia valida esse censent Marchantius tom. 3. Tribun. Sacram. tr. 1. tit. 6. conclus. 4. Bonagratia in summ. qq. Regular. disceptat. de marr. Sacram. n. 67. & alij apud P. Wiesner de Canonic. Imped. matrim. p. 1. a. 1. n. 20. qui n. 25. cenfet, prestare, decisionem Apostolicam, propter rei gravitatem, & causum frequentiam, exspectare, quām de ea aliquid certi statuere; quamvis existimet sententiam haereticorum matrimonij faventem, probabilem, ac tutam, & ratione, ac juris principiis generalibus spectatis, ne-gante potiorem videri; his præmissis.

Ad questionem initio §. propositam (an 1894. censuetudine mutari, vel censuetui impedimenta possent) 32. resolutionem constare ex dictis a n. 1244, ubi responsū est affirmati-vē, si censuetudo talis sit *legitime* inducta, vel præscripta. Et ita tenet Castrop. de sponsal. d. 4. p. 1. n. 5. citans P. Sanchez l. 7. hic d. 4. an. 11. Pontium l. 6. c. 4. n. 6. & alios. Et huic resolutioni non obstat. c. quod super 5. de consang. censuetudinem matrimonio-

pia

nia contrahendi in gradibus prohibitis, vo-
cans potius corruptelam. Nam, et si ve-
rum sit, quod nulla consuetudo, quam
Ecclesia reprobat, tanquam corruptelam,
quamdiu talis manet, possit abrogare le-
gem humanam, ut diximus à n. 1256.
secus tamen est, ubi definit talis est, ut no-
tavimus ibid. à n. cit. ubi etiam ostensum,
unde cognosci possit, quod consuetudo de-
finat est morum corruptiva.

1895. Ad rationes in contrarium; & primò
ad eam, quæ habetur n. 1892. C. ma. de
consuetudine legitima. N. min. ad probat.
petitam ex c. quod super. R. solum sequi,
consuetudini, quam jura vocant corrupte-
lam, vi dati c. non concedi vim mutan-
di, vel constituciendi impedimenta, quam-
diu talis manet; non autem, secus. ad 2.
quod dicitur ex c. super eo, responsum est
n. 1259. ad 3. in n. 1893. R. in questio-
ne, an conjugia hereticorum valida sint,
licet contrahant cum impedimentis diri-
mentibus, solo jure canonico inductis; ne-
gativam teneri à Lessio in *Auctario l. 2. de*
Præscript. casu. 1. P. Gobat in Theol. ex-
periment. tr. 9. n. 49. & in appendic. 15.
à n. 88. Ratio esse potest. 1. quia sic hæ-
retici essent exempti à totali obedientia
Ecclesiae in omnibus, quibus etiam
scienter, & cum contemptu Ecclesiastica
potestatis in Romano Pontifice
(à quo contemptu maximè recentio-
res hæreses initium duxerunt, impiissi-
mis fundatoribus) ejus legibus, & consti-
tutionibus cum pertinacia contraveniunt.
2. quia nulla consuetudo, nisi rationabilis,
habet vim mutandi vel inducendi jus hu-
manum, ut dictum est n. 1245. at consue-
tudo hæreticorum, cum pertinacia, &
contemptu contraveniens constitutioni-
bus legitimis superioris, non est rationa-
bilis, hoc enim repugnat juri naturali, &
divino; ergo.

1896. 3. Quia consuetudo, ut habeat vim
mutandi, vel abrogandi jus humanum,
indiget consensi fâtem legali Principis
ex n. 1249. & seq. hunc autem consensum
non habet consuetudo hæreticorum, quâ
contumaciter obnituntur legibus Pontifi-
cijs, tum quia finis quæstus est turpis,
nimirum contemptus Ecclesiae, quod est
contrarium juri naturæ, & divino; tum
quia consensus legalis, de quo agit c. fin.
de consuetudine, est, quoties consuetudo

inducitur non ex contemptu Legislatoris;
sed ex fine boni communis in Republica
cateroquin legitimo superiori pareme;
quod respectu vera Ecclesiae nullo modo
præstant hæretici; his postis.

Mihi sententia pronuntians in hoc ca-
fu pro valore conjugiorum, que contra-
hant hæretici contra leges Ecclesiasticas,
cum impedimentis dirimentibus, jun-
solum Ecclesiastico inductis, nec ra-
tione, nec spectatis juris generalibus
principijs, videtur potior oppotâ tum
ex rationibus in contrarium allatis; tum
ex solutione eorum, que pro illo fa-
vore producata sunt. Ad id, quod dicatur
in n. 1893. R. dato, quod leges firmi-
tatem obligationis accipiunt, ex observan-
tia, & moribus utentium, consequent
infirmitur, se contrarij mores utentium
sint rationabiles; non autem, si secus;
hoc autem non habent mores hæretico-
rum, cum contemptu & pertinacia, im-
de industria rejiciendum leges Pontificias
ex n. 1896. ergo. Accedit, quod illud
dictum, leges firmantur, cum moribus u-
tentium approbantur, intelligatur solu-
de firmitate facti, non juris. Nam obli-
gationem, seu vim obligandi, leges Eccle-
siae non habent ab usu, ut recte nota
Calfropalus p. 1. tr. 3. d. 1. p. 13. n. 6.

Dices 1. cessatio carum legum, refe-
ctu hæreticorum, videtur expediens bono
communi; cum carum, ex quibus ba-
num commune per eas leges quæstum
speratur, observantia, in ijs amplius spe-
rari non possit, ac proinde moraliter im-
possibilis videatur. R. videri vehemen-
ter dubium, an ex eo, quod in aliqua par-
te corporis politici, vel mystici sperari non
possit observantia legum, toti corpori pa-
stæ præscriptarum, bono publico fit expe-
diens cessatio legum in tali parte, vel com-
munitate, præsertim, quando talis cessa-
tio initium duxit à schismate, seu divisione,
ac contemptu Legislatoris, prout revera
est in hæreticis, præsertim nostri temporis
quibus per licentiam vitae, viam ad de-
fiscendum, exemplo suo sacrilego feci-
tunt Apostata à Religione, vel statu Cle-
ricali. Deinde aliud est, non posse sperari
observantiam defectu potentie, vel etiam
voluntatis ob difficultates extrinsecas, &
insuperabiles moraliter, quando talis de-
fectus se tenet ex parte illorum, qui legem
oblivierat.

observeare deberent; aliud, si talis defectus non sit in subditis; ut, cum possent, si vellet, & voluntatem non impedian difficultates ab ipso arbitrio independentes; quo' posito:

concedenda dispensatione impedimento-
rum, quæ sunt juris tantum humani, præ-
fertim ubi spes affulget animarum ad viam
salutis facilis reducendarum ex hac sua
benignitate.

Dices. 4. licet heretici suâ pertinacia, 1902.
& in Christi Vicarium inobedientiam, pœ-
nam potius, quam favorem mereantur;
non tamen sunt indigni miseratione; cum
eorum pars magna hodie, ex errore solum,
Ecclesia jurisdictioni se subjici, inculpa-
bility ignoret. R. omnino concedi, non
negandam esse hereticis Ecclesiæ misera-
tionem; sed ad hoc opus non est, ut sol-
vantur à tam justis legibus Ecclesiæ; cum
hæc, in plurimis alijs miserationem suam
planè maternam illis impendat, orando
pro illorum salute, tot viros Apostolicos
submittendo, qui etiam profuso sanguine,
& atrocissimis tormentis exantatis
per se, vel successores suos, non des-
nunt querere illorum conversionem; &
cum ad maternum finum redeunt, aman-
ter excipiendo.

Dices. 5. sacri canones consuetudinem, 1903.
quæ juri positivo, & Ecclesiastico dero-
get, generaliter approbantes, plus non
exigunt, quam rationabilem, & legitimam
præscriptam consuetudinem; hoc autem
stat, etiam sine tacito Principis consensu,
R. negando ulli consuetudini (sine consen-
su Principis factem legali) concessam esse
vim abrogandi legem humanam, ratio-
nem dedimus in n. 1246. &c seq. ex c. con-
suetudinis, dist. 11. imo ipsa etiam præscri-
picio, vim, quam habet, habet constitu-
tione legum, in quo ponimus consensum
legalem; ergo cum in antecedenti allega-
tur consuetudo legitimam præscripta, que
hoc ipso, quod talis sit, includit consen-
sum legalem Principis, malè interfert, non
requiri consensum tacitum Principis, ut
consuetudo sic præscripta vim habeat, ab-
rogandi legem humanam.

Caterum difficulter probabitur, hanc
hereticorum consuetudinem, legibus
Romanorum Pontificum contrariam,
esse legitimam præscriptam. Tametsi enim
ea consuetudo sit longissimi temporis;
cepta tamen est irrationaliter, & pessi-
mam fide per homines juri naturali, &
divino refractarios, qui violata Deo data
fide, per meram vitæ licentiam & impu-
dicitiam

Ooo

Tom. IV.

dicitiam tum exemplo tum verbo, facile alios in sui sequelam, & contemptum Ecclesiæ, ac legum ejus perduxerunt. Accedit, quod ea consuetudo nunquam fuerit possessionis, aut quasi possessionis pacifica, sed interruptæ tot reclamationibus, & peccatis, in eos vibratis ab Ecclesiastico legislatore.

§. IV.

An Magistratus Laicus, seu secularis statuere possit impedimenta matrimonij?

1904. Videtur, quod sic 1. quia, cum matrimonium importet contractum civilem; potestas autem Laica possit statuere certam formam ejusmodi contractibus, quâ non observatâ nulliter fiant, consequenter legitimî non sint, sicut statuit ipsa Ecclesia; rectè videtur sequi, eandem posse statuere impedimenta matrimonij; seu, quod idem est, mutare saltem mutatione materiali materiam hujus Sacramentum, faciendo scilicet, ne *contractus sit legitimus*, non observatâ formâ, lege civili præscriptâ; id, quod etiam possunt in materia aliorum Sacramentorum, v. g. ne vinum maneat vinum usuale.

1905. 2. Quia Magistratus laicus potest certis actibus apponere aliquam conditionem, quâ non posita tales actus eodem jure non subsistunt, vel apponendo qualitatem exclusivam alicuius ad substantiam talis actus requisi: ergo etiam potest statuere impedimenta matrimonij; patet conseq. quia statuere impedimentum nihil aliud est, quam pone-re conditionem, fine qua; vel adjicere qualitatem, quâ ante matrimonium pulliter fiat, vel saltem impediat. antecedens probatur. Nam Magistratus laicus potest statuere, ne subditu nubant extra territorium; vel si securi, solvant censum emigrationis. 2. ne bona alienentur in forenses, etiam causâ dotis, vel quod feuda non dentur in dotem, ut expressè docet de Luca, tanquam proba-

bilius lib. 14. de Regularibus, in annationibus ad SS. Conc. Trid. dispensa 26. n. 39.

Deinde Magistratus Laicus potest questrare puellas ad effectum explorandi veram carum, ac liberam voluntatem, ut occurratur seductionibus, & violentijs. Potest indignè nubentes privare dote; potest negare bonorum extraditionem, si nubant extra territorium contra Magistratus voluntatem, &c. Nam hac concidunt meram temporalitatem, & statut possunt ex justo, honesto fine: aqui hæc impediunt matrimonia, saltem quod libertatem: ergo. Confirmatur: qui multi judicant, valere statutum civitatis, quod inter homines diversarum civitatum non contrahatur matrimonium sub certa pena, dummodo possint honeste contrahere inter homines suæ civitatis: Bartol. Angelus, & alij, quos referuntur in c. 1. de sponsal. n. 20. verso sexto fallit.

Verum, omnino negandum est, Magistratum, seu Principem secularis, licet fidelem, *salem defacto*, posse condere legem, quæ impedimentum aliquod id impediens, vel dirimens matrimonium inducat in suos subditos fideles; ita communis; quia hanc potestatam de facto esse reservatam soli summo Pontifici, ex dictis constat n. 1888. dixi. 1. in *soldatis suos fideles*. Si enim habeant sub se aliquos etiam infideles, quorum matrimonium non est verum Sacramentum, ut diximus à num. 340. potest; cum in talibus casuorum matrimonium maneat contractus mere civilis. dixi. 2. *Saltem de facto*. Nam Basilius Pontius lib. 6. de *Impediment.* c. 2. num. 2. recte move hanc questionem, unde contingit, quod Magistratus Laicus non possit condere impedimenta matrimonij; an licet possit, quantum est ex se, tamen nunc propterea solùm, atque adeò *de facto non possit*, quia summus Pontifex cum potestate sibi reservavit: vel, quia caret potestate ad talen actum, seu difformem? quibus positis n. 3. *proposuit immunito* subiungit, quod P. Sanchez l. 7. d. 3. num. 2. ex levissimis fundamentis pri-mum concedat Principi seculari fidelis, non

non obstante, quod Sanchez ibidem assertat, de facto tamen eam potestatem esse reservatam solum summo Pontifici.

1508. *Inmerito*, inquam, hoc assertit Pontius de tanto viro, qui (ut novit orbis) in resolutionibus suis tam cautè, ac fundatè loquitur, ut merito illi injurias sit, qui cum *ex levissimis fundamentis* ad affirmandum, vel negandum aliquid, procedere, orbi vulget. Nec in ea opinione, pro qua stat Sanchez, ipse singularis est; cum plures ibidem relatos, secum sentientes habeat, viros aquæ doctos, ac sint alij opinionis contrarie; nec suis fundamentis destitutos, quæ sanè levissima non sunt, ut patet considerant.

Ceterum omnino existimo, probabilius esse, leges magistratum secularium, quæ directè, vel indirectè substantiam matrimonij fidelium mutant, vel impediunt, irritas, ac nullas esse, ex defectu potestatis; sic Castropalaus d. 4. de spons. p. 1. n. 3. & apud eum Covarr. 4. decret. p. 2. c. 6. q. 1. Layman. l. 5. summ. tr. 10. p. 4. c. 1. n. 3. & alij. Quia, eti matrimoniū fidelium si contractus civilis, & politicus; quia tamen à Christo elevatus est ad rationem sacramenti novæ legis, quoties a fidelibus celebratur iuxta institutionem Christi, non manet, sed definit esse contractus *merè civilis*, & politicus, ac evadit *sacramentalis*, & *sacerdotis*; at qui circa substantiam rei sacramentalis, & sacræ nihil potest potest Laica, cum sit extra forum seculari: ergo ma. est certa. min. etiam confitit tum ex dictis, tum ex diversis textibus juris facti; probatur 1. ex c. Tuam, de ord. cognit. ubi deciditur, eti causa temporalis (v. g. hereditatis) tractetur principaliter curam seculari Judge; hunc, si incidat quæstio natalium, non debere causam successionis, dependentem à causa natalium incipere, sed exspectare, donec *causa natalium* apostolico iudicio finem accepit; ratio redditur, quia securus nihil aliud esset, quam diversis processibus intricare negotium, & confusione quadam, iudicij ordinem perturbare. Sic Honorius III. ad Ludovicum Regem Francie.

1510. Similiter c. Multorum. 35. q. 6. Alexander II. Guilielmo de Monstralio, volenti suam uxorem rejicare prætenso titulo consanguinitatis, mandat interdicendo, ne id agat, donec Episcoporum concilium causam

Tom. IV.

bet

Ooo 2

bet Dominorum temporalium, vel Magistratum Laicorum, qui minis vel poenam viros vel mulieres cogunt (etiam sola coactione conditionata) etiam solum indirecte, ut cum ijs matrimonium contrahant, quos ipsi eorum domini volunt. Nam si minas, vel poena graves sint, inusta, ac graviter iedunt libertatem matrimonij; ergo ejusmodi leges, & statuta jure facro reprobata sunt, & omnino illicta, ac nulla secundum dicta. *injuste*, quia cito legitimam potestatem, ut constat ex Trid. jam citato; & contra subditorum, in hoc ab illis independentium; *graviter*, si damnum grave sit.

1914. Idem dicendum venit, si, nisi nubant ei, quem ipsi volunt, subditis negent consecutionem paterna hæreditatis, vel fundos ad hos jure pertinentes, auferant, Nam in tali casu si non directe, saltem indirecte cogunt ad tale matrimonium, renuendo debitum solvere, ut constat ex dictis & sub poena excommunicationis latæ sententiae reprobatur à Trid. ut dictum est ibidem; præsertim, cum contineant privationem ejus, quod alias jure certò debitum est, ut notavimus suprà.

1915. Dices: per decretum C. C. Trid. 24. de matr. c. 9. de quo n. 504. ubi videntur abrogari leges Principum, & Magistratum secularium, solum intelligentia venit abolitio earum, in quantum contra leges secularies justè providendum erat validitat, & libertati matrimonij, atque adeò in quantum *injuste* minis, & poenam, aut privatione ejus, quod alias de jure competit, illis præjudicatur, hoc autem non sit, quando per leges secularies *juste* sunt illæ minas, poenæ, ac privationes; ut si negetur solum *lucrum acquirendum*; vel etiam aliquid alias jure debitum, sed ex justo, & honesto fine; qualis esset lex municipalis, ne bona stabilia, & in proprio territorio existentia, alienentur in forenses, ex quibus Dominis territorij fieri frequenter possunt graves incommodities, & collisiones cum alijs dominij; vel ne feuda transiant, loco dotis, in maritum, vel similes, qui sunt inimici, vel infensi, aut suspecti, five potentiores domino directo; sic de Luca cù. n. 39.

Ante Respons. not. 1. voluntatem Legislatoris Laici (atque adeò legem) que hoc ipso, quod directe, vel indirecte minetur, aut privet transgressores legi, bono illis jure debito, non posse censi *justam*, quando punitur ab Ecclesia tanquam mortaliter mala; ut, cum punitur excommunicatione latæ sententiae; hæc enim supponit peccatum mortale: at voluntas Domini terrestris, vel Magistratus secularis (atque adeò lex) quæ directe vel indirecte minatur, vel privat subditum dote, vel hereditate debitam, aut alijs bonis, jure vel in re, vel ad rem illi debitam, nisi matrimonium incant, quod dominus, aut magistratus vult, est talis voluntas; ergo nequit esse *justa*.

Not. 2. nec eo casu *justam* esse voluntatem Legislatoris Laici, conuenienter legem, quâ minatur, vel priva transgressores bonis jure debitam, ex eo, quod incant, vel non incant hoc matrimonium, à quo in conscientia non prohibentur. Nam Legislator, qui aliquid à me exigit, in quo ei subiectus non sum, inusta illud lege comminatur, vel poenali à se conditâ, à me exigit; sed subditi dominis terrestribus, aut etiam parentibus in electione status, qualis est conjugij, subiecti non sunt, ex n. 145. & seq. nisi aliunde in conscientia teneant hoc, vel illud, inire vel relinquere, ergo. Nec juvat distinguere: non sunt subiecti in electione status conjugalis, ut eum determinatè incant C. ut ex suppositione, quod inire velint, tales incant, vel non incant N. Nam etiam ad hoc jam constat. 1. non teneri eos inire matrimonium, quando determinati sunt ad statum oppositum ex n. 145. Nec etiam quando determinati sunt ad statum conjugalem juxta dicta n. 144. & seq. ergo; quo posito.

¶. Ad objectionem in n. 1915. dat, quod leges civiles in eo solum per Tridentinum abolitæ sunt, in quo *injuste* statunt de matrimonio, quod ejus validitat, aut libertati nocet, ut vult de Luca cit. sed nego esse *justas*, cum generaliter statunt minas, & poenas, ac privationes eorum, quæ jure debita sunt in eos, qui tales corum leges, de valore, vel ijs, quæ libertatem.

bertatē matrimonij, etiam indirectē minūnt, non observant etiam extra casus, quibus inire, vel non inire matrimonium non prohibitum in conscientia, de quibus diximus à n. 143. & seq. dixi: *dato*, leges civiles in eo solū per Tridentinum abo-litas, in quo *injuncte* statuant de matrimo-nio, quod ejus validitati, ac libertati nocet. Nam ex alio etiam capite (nimurum defen-dū petestatis) irrita sunt, ut constat ex di-xi n. 1909. & passim alibi. Et ideo non salvat eos, ut vult de Luca *cit. supra* n. 1915. quod interdum ex alio justo, ac honesto fi-ne sub minis, & pœnis statuant de matrimo-nio, quod ejus validitati, ac libertati nocet. Nam intentio non facit justam esse legem ab eo conditam, qui caret potestate ferendi legem in tali materia.

1919. Per hoc tamen non nego, valere leges Principum, vel Magistratum fœcularium, quae statuant circa ea solū, quae nec directe, nec indirecte tangunt substantiam matrimonij; qualia sunt de dote constituenda, de donatione propter nup-tias, sponsalitatem largitate, legitimatio-ne in solis temporalibus; modò ex his nihil redudet in libertatis diminutionem; sic enim ea dispositio *indirecte saltē* re-dundaret in matrimonij substantiam, ad quam pertinet libertas immunis à metu iniuste cauato volentibus matrimonium inire. Quod autem libertati, prout eam illeſam volunt sacri canones, & Tridentinum, dum leges fœculares hoc titulo reprobat, istæ vel directe vel indirecte noceant per ea, quæ inducunt speciem paue, vel privationem ejus, quod alias certe de jure competit, fatetur ipse de Luca *cit. n. 36*. alias Patronus sententia contraria, ut constat ex dictis; & ratio est, quia metus pœnae, vel privationis bonorum debitorum, continet damnum, & causat injuriam passo metum, ut nota Pontius *L. 4. c. 4. n. 10.* & quidem illatam ab eo, in casu, qui quoad eam materiam, in alterum jurisdictione caret, ut constat ex dictis.

1920. Ex hoc sequitur 1. injustam esse legem fœcularem, quae concedit parentibus facultatem exharendandi liberos, vel negandi dotem filie alias non provisæ, quod ipsis invitatis nubat, præsertim, si id egerunt petitio parentum consilio; quia

in utroque casu privantur re, sibi jure debitâ; ergo saltem indirecte nocent li-berati, quam illæſam vult Tridenti-num; & procedunt in re, ubi tales le-ges abolita sunt, teste de Luca *cit. n. 39*. Pontio *cit. n. 10.* & alijs. Quid porro dicendum, si nubant indigno, constat à n. 497. Sequitur 2. leges fœcu-lares, quæ prohibent bona feuda-ria causâ dotis asſerre forensibus, probabilius esse justas, ut tenet de Luca *cit. supra* n. 1915. Nam in hoc casu dominus directus nihil statuit circa ma-trimonium, cuius transgressio induce-ret pœnam vel privationem alicujus jure debiti; cum vasallus aliunde teneatur cavere alienationem feudi; unde jus do-mini directi deterius evadat.

Sequitur 3. ex hoc, quod leges fœcu-lares subditos nubentes extra territo-rium contra domini, vel magistratus voluntatem, puniant privatione bono-rum, vel omnium, vel parte, qua ipsiſiſ aliâs jure debita sunt, leges esse in-justas; ex n. 1916. dixi *ex hoc, quod puniant sic nubentes*. Nam si aliunde jus habeant exigendi censum emigra-tionis in casu subditus à priori dominio in aliud se transferentis, exigere quidem possunt *eo titulo*; sed non, *ut pœnam*, quia lex *eo titulo puniens*, ut dixi, in-justa est. Et sub hac distinctione ad-mitti potest doctrina, quam tradit Go-bat *rat. 9. Theol. experim. n. 21.* ap-probans statutum Mutinense, quo mul-lier *se ipsam nubens*, hoc est, fe ipsam conju-gio elocans redditur incapax ad re-cipiendum ex testamento, vel ab inten-stato cuiuscunque civis, vel districtua-lis Mutinæ, si hoc non statuat in pœ-na; non autem si fecus. Tunc e-nim haec prohibito, non est mera prohibito, sed conditionalis coactio, juxta alibi dicta.

Causalis verò, quam affert de Luca superius n. 1915. pro justitia legum ci-vilium, quæ nubentibus extra territo-rium contra ejusmodi leges negant extraditionem bonorum, quæ aliâs jure debita sunt, ex eo destumpta, *quod hec concernant meram temporalita-tem*, in usu Laicorum frequens est,

& nunc propriæ regulæ ubique ingerendi se rebus temporalibus , etiam si sint Ecclesiastica. Ceterum ut alias notavimus supra , nisi limitetur , ea regula certò falsa est. Nam sicut necesse est , utile vitari imper inutile , quando illi hoc inseparabiliter annexum est , ut docet reg. 37. de regul. juris in 6. sic , & à fortiori , necesse est extrahi temporale à jurisdicione temporali , quando illi inseparabiliter annexum est spirituale ; unde sicut illud complexum ex utili , & inutili est simpliciter inutile ; sic istud ex temporali & spirituali est simpliciter spirituale : de spiritualibus autem potestas Laicorum nulla est ; ergo . Cùm ergo temporalitas , cui spirituale inseparabiliter annexum est , sit tale complexum ; recte sequitur , circa talem temporalitatem nullam esse potestatem Laicorum.

1922. Sequitur . 4. non esse quidem irritas leges saeculares , quæ concedunt parentibus , aut ijs , qui loco parentum sunt , facultatem sequestrandi puellas , nubere volentes , ad hunc finem , ut explorent sufficiens earum judicium , vel ne seducantur : non autem , ut avertant ab hoc connubio , præsertim non indigno , vel , ut illud incant cum tali , ut habetur in num. 1767. sequitur . 5. esse probabilius , non esse irritas leges saeculares , quæ quoad nubentes disponunt solum de lucro non acquirendo , ut notat Pontius cit. n. 10. quia , ut diximus alibi , metus amittendi lucrum , nullo jure in re , vel ad rem debitum , non est propriæ pena , nec minuit libertatem matrimonij , prout eam illas volunt sacri canones , & Tridentinum . Ex his patet ad casus , & probatae particulares in objectis n. 1905. & n. 1915.

ARTICULUS II.

De Impedimentis tantum impedientibus matrimonium.

1923. Quid sit impedimentum tantum impediens , constat ex n. 3873. Inter impedimenta matrimonium solum impedientia , seu illicitum redditia , quædam incurritur ex crimine , & continentur his verbis : *Incestus, Rapto sponsaræ, mors mulieris, suscepitus propriæ sobolis, mors presbyteralis;* vel si pœnitentia soleniter ; aut monialem accipiat : prohibent hec conjugium sociandum : quæ vero sine delicto incurritur , sequentibus explicantur : *Eccle-*

sie vetitum , nec non tempus feriatum , atque Catechismus , sponsalia , jungitorem , impedient fieri ; permittunt fata tenere : de his igitur in præfens agendum erit ; ubi vides impedimenta solum impedientia ex delicto esse septem ; sine delicto , quinque : quanquam hodie sola quatuor , nimurum Ecclesie vetitum , tempus feriatum , sponsalia , & votum , sint in aliis cæteris antiquatis , & usu contrario abolitis , ut patebit ex seq.

§. I.

De Incestu.

Circa hoc impedimentum quæst. 1. quid sit incestus propriæ dictus ? *ib. ex n. 137.* esse carnalem copulam habitam inter consanguineos , vel affines in gradu prohibito . Quare incestus propriæ dictus non committitur per copulam carnalem inter spiritualiter , vel legaliter solum propinquos , ex n. cod. nec sine copula perfecta ex n. 1727. &c , si fiat sine notitia circumstantiæ consanguinitatis , vel affinitatis , fore incestum solum materiale , non formale , ex n. 1728. Incestus cum consanguinea uxoris præstabat olim incestuosum impedimentum impediens eorum matrimonium cum alijs ex n. 1140 & quidem perpetuum per n. eund. & si incestus supervenient matrimonio rite contracto (puta , si fiat cum consanguinea uxoris in gradu prohibito) inducit quidem affinitas inter virum , & uxorem , non dirimens matrimonium prius contractum , sed incestuoſo conjugi solum admens jus petendi debitum ex n. 1141. & hoc impedimentum confusurget etiam ex carnali copula , cum consanguinea uxoris , etiam defunctæ ; nam morte uxoris non tollitur affinitas inter virum , & uxoris consanguineas .

Quæst. 2. quale impedimentum postulet incestus cum consanguinea sponsæ de futuro ? *ib. quod pariat affinitatem , que non tantum inter ipsos sponsos de futuro , sed etiam inter sponsum , & consanguineos mulieris incestuosæ , usque ad secundum gradum inclusivè dirimit matrimonium , ex n. 1143. & seq.* Et quamvis aliqui negent , ut diximus n. 1144. induci per incestum sponsi cum consanguineis suis sponsæ de futuro , impedimentum impediens matrimonium horum incestuosorum